

樊山全集

上海廣益書局印行

續集二

樊山續集卷七

恩施樊增祥嘉文

柳下集

邵陽中丞見示政府字寄十月十五日奉

上諭令臣樊增祥來京預備召見恭紀以詩

詔書一再出朝端壇席虛聲又姓樊未必驚貽真懋且其如野鶴畏乘軒榮途才子應難進國是艱危
敢易言古有華山捫蝨者莫為夷甫與深源

移居

辦得精廬遠市囂陶公門巷柳垂條紙窗竹屋心手愛軟繡溫香意也消蕉葉硯頭閒試墨玉梅花下
坐吹簫只憐燕子巢剛定又入東華事早朝

定興公起撫粵東

慈聖垂詢州縣人才獨以增祥應

詔馳書勸駕期待甚殷感賦二律

奉寄

詔起東山赴上都彙征何意得連茹武皇下詔曾求士
文母臨軒復用儒盛府元僚惟我在季興大
厦要人扶手持南海珊瑚網網得蕭閒葉令冕

七葉貂蟬出羽林一宮百里久鳴琴
方刀世繪凌煙像草土富忘捧日心
奇木白麟慚大對承明金馬
得重尋晏公薦士無多許小范平生感最深

寄爽翁

古事朝廷問仲舒內遷九列候真除
折衷海上新聞紙

池北偶談袁私小報率有漏洩之禁故隱而號之曰新聞蓋自宋時已然

傳刻人間

未見書斂手棋枰嘆管約留眉茶閣薦琴魚關中故吏行趨闕待銜青牛問起居

酬余秀才見贈

鸚鵡洲邊早繫船，握椒貽我在秦川。秋香掩冉金荷葉，關柳逢迎玉馬鞭。硯沼春紅侵曉夢，衣痕慘綠駐華年。欲知位置才人處，不在金華定木天。

十一月十五日夜月蝕

人生幾見月當頭，蠹爾妖華亦可羞。竹柏陰中愁對鏡，山河影裡怕登樓。玉堂吳質新磨斧，金縢蕭梁已缺甌。一歲常儀經幾劫，終然為璧不為鉤。浮雲一霎掩清光，如玦如環故不常。明白改來君子過，護持燒盡女兒香。最思西母長生藥，漸露徐妃半面妝。待得曉珠明又定，王川詩意可能忘。

瓶齋即事

三間暖屋著瓶齋，黃卷青氈與我偕。篋少篋茅哥女貴，玉無彫琢子兒佳。閒舒側理摹蟲篆，巧製迴文演象牌。最愛張王新樂府，不嫌詩格入優俳。冰油蘸紙透冬曦，睡起山僮進薄糜。新酒黃鸝憐苦口，舊壺紅翠豔羣皮。酸醲氣味閒中領，茗芋情懷老者宜。香鼎再溫茶再熟，青編復與絮明期。暫解銅符學閑關，聊將谷董伴蕭閒。五銖泉范為書鎮，盈尺硃砂作硯山。文似蛇蚺琴有虎，怪如虎豹石呈斑。消磨白日知何事，祇在宣毫庫紙間。

呼僮掃地燕雋新，小几唐花自在春。樂煮秦銅通體贗，簪冠建茗假皮真。近觀塘報無新政，來共卽筒有故人。衣白山人如野鶴，可應重染禁城塵。

緹灰初動驗曦光，刺繡平添一綫長。風字硯頭朝試筆，雷文鼎裡夜添香。嬌兒疊勝偷名紙，弱女裁練

製畫囊比似放翁渾不異渭南封邑是吾鄉

倦於櫪馬淡於鷗淺醉閒眠得自由老眼無花惟借鏡吟鬚勿約自然絲拙書亦徇時流請步屨閑同後輩游細檢關中循吏傳有人得似弱翁不

風煙入興即成章徙倚閒庭遣書長松到支離轉蒼翠柑名醃醃半青黃數莖雪竹天然畫一樹寒梅自在香車騎長閒賓客少更無人事惱年光

壅花澆竹小園西老去襟情託杖藜婦繡羅浮雙翠羽兒爭爾雅二天雞夜談就火烘酥豆朝食敲冰煮麵梨閒看盧鴻草堂畫一生心事負東溪

晚松早韭且隨時菰菜能無故國思直為花豬謝僧飯豈待鱸蟹薦經師失眠未忍將茶毀不俗何勞就竹醫白酒青蔬常款客瓦鐺焦飯食無遺

早隨名士過江東幾費當年畫餅功詞愛小龍吟楚雨詩憐荀鴨慕唐風梅花輩行垂垂老天竹光陰淡淡紅灞柳未青人欲別題詩記取紙裘翁

讀放翁集題後

我後翁生六百年梅花畫扇見神仙鬚絲凝照湖心鏡畫與悉伯師約卜居鏡湖湯沐都無渭上田張機舊聞金管底溫煖老學鐵檠邊風流文筆全相似恰少南園記一篇

吾廬

吾愛吾廬竹樹疏時人知是子雲居陸龍自起三間解袁豹能分一半書覆瓦朱藤堪繫馬垂門碧柳未妨車更憐月下婆娑影買得梅樁手自鋤

自題五十三歲照像

三十三齡印粉真江南士女見風神消磨二十年來事重現樊南最後身
十載西京綰竹符老年重捧鶴頭書君王要問蒼生事莫倚凌雲賦子虛
欲別桐鄉淚不收使君靴鞜苦邀留也如疏俊張安道畫版流傳蒲益州
兩兒頭角並崢嶸咫尺庭階寶樹生莫是當年太邱長膝前侯侍有公卿

漫興

我我周旋意味長得閒還爲覓詩忙書多擬用淘金法米貴常思辟穀方
丹約轉成天竹顆冰銷烘破水仙囊晴來凍硯無勞炙更就東軒煖日光

再題小影

老去雲霄接羽翰漢廷用少且泥蟠當時一尺銀光面誰與君王進畫看
風景東軒愛晚晴道人如鶴羽衣輕凌霄花發紅於火記取前身白石生
少日蕭寒白屋貧老來嚼蠟視橫陳一生孤負填詞手不取楊枝作侍人
世緣終淺道根深託意微書與收琴日寫藕花經一紙綺牀薰陸供觀音

自題雪中照像

南簷松桂玉交枝薄暝園林小雪時得似玉郎風調否軟巾鶴氅映疏籬
蓴條衣摺玉生鱗雲水光中爲寫真漢殿三公虛坐論洛陽晝卧是何人
一炊得炭一銖香簪篋卷中日月長省識梅花清苦意鶴肥人瘦也尋常
九華仙岫玉瓏玲兒女青紅滿謝庭掩映茶煙深竹裡候湯惟欠一樵青

冬夜

欲罷蘇家藥玉船
眠人銀燭小寒天
梅疏尚待封條雪
茶熟微飄過樹煙
送客燈迴深巷裡
哦詩月到繡簾前
道人不是常來客
贏得黃紬到曉眠

題內子照像

道昇四十尚風華
閒倚亭欄掠鬢鴉
并白自關賢母事
妝梳全似內人家
周南綠偏宜男草
洛下紅深命婦花
我亦當年句漏令
與君携手訪丹砂

伯平招集市樓即席有作

來就黃爐飲一鴛
萬家煙雪錦離離
座中甘露生茶碗
樓上明星揭酒旗
官俸少金憐馬瘦
故園多水念鴻飢
山公酪酊堪圖畫
乘月歸來倒接蘿

午橋廉憲入關以詩奉迓

露冕來觀二陝風
東方千騎指河潼
功名尚恨三十年晚
政術誰如陸九工
臺柏有霜輝繡豸
嶽蓮擎雪侍金猊
道旁自整參軍帽
今在桓公駕馭中

次韻酬午憲贈別之作

漢廷前席至今虛
田叔殷勤進孟舒
治行每慚三輔最
迂庸不識六蕃書
十年古鏡憐潘緯
一曲菱歌賞慶餘
長恨西方阻秋水
采苓今貢玉堂廬

再疊前韻呈午公

長愧名如畫餅虛
提刑欣見路溫舒
單門久困停年格
夾袋深藏薦士書
漢詔再來徵渤海
唐家遺恨失夫餘
廿年莊助風塵老
可得重還金馬廬

三疊韻呈午公

厓有朱雲閣不虛小花落蓋綺梅舒知人妙得觀心法治獄常於下手書

周禮司市以質劑結信止訟卿注質劑猶今下手書也疏

下手書即今畫指券件案今兩造具結亦以指印續尾

出處俱為名所累追陪猶及歲之餘何時身入青松畫小隱田盤共結廬

四疊前韻言志

清麗文章秦太虛華如桃李一時舒一行作吏疏魚鳥豈不懷歸畏簡書門戶衣冠非楚室發殘金石是秦餘十年氣蓋關中客未敢輕過許史廬

次韻酬劉荅舫前輩贈別

漢武愛少年宣仁用宿老小臣捧日心有如丹鳥抱大廷亟推轂嚴幹事幽討昔愧雉衣桑今為魚在藻牽絲游關中倏已逾五考公御鮭鰓來一見疑為倒梅引每過情人好烏亦好公昔坐南牀百職憚諫草殿檻旌朱雲中涓帽黃皓猛逾蒼鷹擊辣甚川椒樽汲直終見疏臣門跡如掃衣繡來西京歲寒交相保詒我河梁篇落紙珍珠小春至歸昌鳴天晶霜翮矯顧惟贈言義忠信以為寶世儒競新法君子遵中道但恐補牢遲勿嗟求夜早

五疊韻呈午公

煉石媯皇御紫虛一時新政改荆舒縣庭早謝魚鱗讀省闈頻馳虎爪書驥老幸無留豆戀龍銜分與燭光餘西州張裔真男子得附成都長史廬

調仲華相公

憶東園

憶昨芳園挈酒瓢露花風葉晚飄蕭書鈔日課三千字

時方寫刻忘師日記

棊路平分十九條柳下已虛中散鍛

歲暮有懷意園

王孫居處是蓬萊月榭風廊迤邐開扁字多重唐殿閣錦花猶見宋樓臺泉香北院頒來茗雪亞東欄
轉處梅阮屐不來三徑晚誰將金齒印蒼苔

再寄爽翁

公是純陽鏡清明照十洲賦才有仙意棋勢得神頭用顧興言與日
本王子對奕事喉舌宣天語風趨轉地球薛公門
下更四海一朱游

夜過午公共飯大疊前韻

譙門春鼓夜窗虛入戶清光見望舒佳句懷中探錦段公移燈下婢花書酒香甚欲羹陸米貴常思
飯祝餘捉麀從容論書畫亦如鴟市舊精廬

寒夜失眠加己猶寢適廉憲過訪惶遽起迎七疊前韻解嘲

日晏猶眠為腹虛用教
翁句莫將善睡擬荆舒蓬門已枉星言駕裴几還攤夜課書顛倒衣裳迎戶外平章
圖史趁公餘仲先驚覺游仙夢總為萊公過草廬

午公屬題瑯琊碑拓本敬賦長句奉呈

帖為維縣陳受卿太史命工王
西泉用佳紙精拓較舊榻為勝

秦皇東巡臨碣石二世繼之親駐輝儀石紀功表東海瑯琊臺上穹碑立丞相臣斯受帝命蛟龍飛動
纏銀筆寶書雲篆三千年天風海濤不能蝕扶蘇不為天下君由來天意當亡秦輟輟已載鮑魚去簞
火遂假妖狐言酒亭白蛇肇大業上蔡黃犬徒悲辛蘭陵一傳遽灰滅至今文燄愁風雲擅蠟粉綸千
萬本字腳模黏混蛇蚓維陽老儒金石家洗刷泥沙露蒼琬澄心堂紙吳珪墨槌拓精新文不損祇覺
圓稜蝕古釵誤疑鉤爪來秋隼君不見東吳太史長國學周宣十鼓生廉角平中得四缺者完坐令阮
薛輸汪拓又不見醴陵父子皆好奇登岱手榻沒字碑靈文突兀出霞表文曰震帝蟠雲螭搦手精麗

信殊狀巧拙何止論尋丈旬齋此本叢金箱髮鬢星辰動角亢吁嗟乎漢碑已泐秦九難五嶽洞闕隴

寒煙野火遽徙郭有終家難空集柳城懸元時瑯琊碑集柳書為之即今紅桑浦東海樓臺廢氣虛無聞父船鱗集

威海衛火車雷動膠州山中原文字球圖重妙墨瑯琊翫鸞鳳要冬斯籀懸日星肯與臘丁論伯仲齊

魯諸生守綿絕乘機羞鑿展驚空今我勉為東武吟願公繼美中興頌

戊戌東坡生日午橋廉憲格同西屏刺史署齋小集八九疊韻留別

去年鐵畫樓中寫望遠傷離半慘舒燒筆久拋寒食卷去年今日集南海侍御宅伯照出東坡寒食詩與共賞折梅愁寄嶺南書

官廚玉糝調羹夜小閣松風試茗餘更乞虎頭作佳畫要令真面似匡廬公屬西屏作送別圖

元祐需才信不虛自黃移汝意稍舒金蓮燭下朝天夢銀篆盤中與弟書公以銀碗贈別又屬寄仲綱書故用東坡以銀篆盤乞子

由事馬范兩賢俱見待鼉張諸子盡其餘公來我去休相惜東府梧桐有舊廬

乙未之春鹿溪院長得樊山集惠題三律頃始見示依韻奉訓

浣花一老才無敵心折猗玗示吏詩青眼高歌雙不律白頭供養一軍持君真千仞翔孤鳳我愧當關

說老罷手把瑤華賽冰雪蜜梅香裡駐金危

朱陵洞裡蒲團在朝蹟收來二十年躬鍊尚傳臨濟火詩囊深貯九疑煙開亭放鶴愁無地臨水看魚

且信天憫悵蜀岡歸未得梅花時節一潸然

鄭盦逝矣風流盡坐使邱園老異才江左衣冠夏半梁園賓客死生辰蒲輪有日徵轅固荆布無人

伴老萊今有黑頭王仲寶紅蓮如火為君開謂端廉訪

小照得鹿翁題句次韻報謝

清朝覽明鏡知我道緣深馬瘦仍高骨梅疏祇素心井花供晚漱庭草入閒吟自識然明面酬詩直到

今

我我周旋久君來笑聽然南州孺子榻西蜀老人泉散木乖時用遲花喜閑年何如書雙筵

湯雨前有雙筵圖

松下兩雲仙

千憲以銀碗漆器贈行十疊前韻奉謝

從此尊中酒不虛霜橋月店意安舒提携久已煩銀手陳謝惟當用漆書飲具也同秦策贈壺飧俱是楚波餘行窩妥貼堯夫笑尤勝青門柳下廬

樊山續集卷八

恩施樊增祥嘉父

赴召集

戊戌十二月二十七日發西安午橋廉憲西屏刺史張伯平朱若卿蔣銘卿劉星齋饒猷之饒用九諸大令宋枏枏謝堯卿兩少尉蘇青培趙界之趙寶衡三茂才枉過送行口占二十八字
一曲陽關駐馬聽飛揚旆集都亭相思不斷如芳草直到春明步步青

渭南行館除夕八首

渭南五度逢今夕今夕吟詩是尾聲三復鵝黃新柳句餅家傳唱不勝情
候館梅花一兩株舉家花下飲屠蘇冠靴還了常年例紅燭如緣照讀書
車騎重來感歲華童男騎竹女簪花桃符身世無新舊我與桐鄉是一家
兒女青紅歲轉新太平鼓打六街春消他駟馬門前拜多少子公舊吏人
東道殷勤致杆椒署齋燈火小淹留半生孤負西堂雨今夕逢君是子由
舊栽花木養風煙重過東園一悵然牆內芙蓉牆外柳雪中集得主人憐
繡被濃薰金鴨煙垂垂燈蕊意珠圓旅涂不與朝元事爆竹聲中自在眠
從此韶光滿十洲花風二十四番柔春明此去花如錦冉冉紅雲簇馬頭
潼關旅夜遇楊伯裕同年談命

班生何意逐飛仙遇巷功名信偶然時事悠悠吾亦懶挑燈重算小行年
風陵

煉石靈燭久上仙至今坏土尚巍然風雷夜徙變株柳日月長懸五色天蒲阪近通堯女訊蘆花功在
姒王前下臨九曲崑崙水常有蛟龍守墓田

夜宿牛頭鎮

一作牛社

臥聽馱鈴語不休暮霞飛雁兩悠悠微吟自喜詩脾健薄醉方知酒力柔新月一鉤銜馬尾春燈數點
識牛頭三椽瓦屋臨溪店可以樊橋舊酒樓

蒲州道中閱題壁詩戲書其後

敬文苗立總能詩塗徧蒲東友絳西亦有老人書亥字祇無幼婦配辛齏徐凝筆待山泉洗稻喜門應
凡寫啼誰草漆屏吟月蝕燈昏吾亦醉如泥

曉行

平楚蒼然露未晞車箱鼉日已暉暉山含遠翠欺眉夢柳送輕寒襲耳衣薄宦琴書雙衛健孟春村落
百花稀龐公妻子同行役挽鹿辛勤未是歸

蒲東懷古

蒲東古寺巢春燕玉鬢花顏今不見澗水如鳴綠綺琴晚霞尚學桃花面少日晚書讀會真仇英畫理
識雙文不如沈亞僧秦主略比陳王賦洛神清河年少堅孤性海棠未下梅花聘琴劍蕭然謁上京目
成近在河東郡門第先朝宰相家平陽嬌女豔於花久為彩鸞求伴侶頗嫌碧隼少風華嬌孤流寓蒲
東下八百青衣從遣謝慈母長齋繡佛前佳人待月西廂下結束腰身效楚宮解彈迴雪是琴工不懶
才華堪繡虎侍兒風致亦驚鴻銀鎗不肅軍心變大掠蒲人似星散故相資裝即閣深明珠異錦人爭
羨複壁藏兒作計疏虎狼百萬瞰庭除誰知月姊長生約祇在蕭郎一紙書風波已定初相見主客中

堂啟芳宴小玉催人出拜遲東風一樹梨花怨渴疾從茲苦見侵憑教綠簾遞芳音暫將折簡酬君意
終以還珠誓妾心阿閣那容飛赤鳳瑤臺勿復遣青禽華如桃李情何綺語帶風霜諷已深虛堂枕簟涼
如水判將身作枯魚比消息傳聞到畫樓想思淚落連珠子情知仲子畏人言忍使伯仁由戎死夢作
巫山一段雲繡衾雙覆鴛鴦綺神女朝朝暮暮情拂牆花影費逢迎春風理曲琴雙瑣夜雨彈碁玉一
枰佳期有盡歡無極文調催人赴京邑怡聲婉色入郎懷釵挂冠纓淚沾臆商婦琵琶忍過船天孫錦
段須成匹薄倖休為李十郎霍王小女紅窗泣清潤潘郎去不還口脂花勝任情牽中庭紅蕙開成雪
誰與蕭娘畫遠山文竹漫貽茶碾子綵絲猶繫玉連環報書宛轉春蠶繭折向花前不忍看旁人拾取
秋風扇外兄有意還求見粉紙重題決絕詞香盟久負長生殿吁嗟乎輕薄微之解屬文強將尤物喻
毀卒隨風垂念楊枝弱結子空驚綠葉新女兒心事東流水幾見瑯琊為情死不許文君逐故夫終嫌
宋玉孤隣女當時一再拂金徽怨曲哀音恰為誰身後填詞王實甫生前作傳李公垂伊余三過蒲東
寺佛院苔深花滿地欲與高僧證畫禪雲房徧寫西廂記

人日聞喜道中

獨樂園荒感不勝淅流清泚照行旆柳青似黛嬌臨水麥淺於苔綠蒲勝七日一斟從事酒上元多畫
美人燈鋒車紅鶴樓前過岸幘來登最上層

信美八首

信美河東地驅車數往還紅霞安邑樹青玉霍州山隴麥纔抽甲林花欲破顏上春好風日消遣馬蹄
問

信美河東地名都啟舜堯論兵思上黨招隱過中條屢閱并門戍時逢谷口樵平生論出處表聖獨超

超

信美河東地唐風卒未更冀方原舊國曲沃是新城雪積雁門塞霆驅馬邑兵山河相表裏長得主齊

盟

信美河東地消磨幾霸王貉狐交勝負粘慙竟飛揚形勢今天險耕犁古戰場神機思太武生致赫連

昌

信美河東地衣冠盛北都五材豐勁鐵千里產名駒劇飲看長劍高歌擊唾壺全操建瓴勢奇險在飛

狐

信美河東地全消萬古愁主誇三不治臣有四宜休唐墨徵前事汾簫據上流皚皚姑射雪誰從列仙

遊

信美河東地輪蹄感歲華京坻皆舜稼沮洳出汾花絳縣多遺老銅鞮幾舊家太原兩公子風誼是侯

範

門人姚伯蔚昆
李時居太原

信美河東地鱗原入望分水禽千點雪花馬蒲身雲河渚空無酒霜龍最有文功名讓房杜吾欲老河

汾

東去

東去并汾道路長軟輿終日看山忙一彎娘子關前月幾解夫妻廟裡香綠甕開時驕北府粉牆隨處

畫西廂亭總是曾經路時有樊川墨數行

山西道中寄贈張捷三軍門

君先余十
日入都

舊總天山十萬師後來觀玉采憲經過澤潞談兵地想像崢嶸倚劍時直取長鯨供煮鹽盡圖猛

獸上旌旗與君同出三明里器業誰如皇甫規

旅興

一唱還京樂驂輜大道開十千沽酒去兼兩載書來冬蓄多紅棗春寒數莫去梅五雲高處望金碧綢蓬萊

宿靈石有懷同年何壽營廉訪

君亦將入觀

當年駐馬題詩處

詩見西征集

此是君家履道坊爲府十年三出入

君由御史觀察肅州今入陳果甘肅皆不離芳節

紅梨同甲半

存亡金鑾獨對陳西事繡斧初春過故鄉一昔蘇晁同補外老來先後謁明光

謁韓侯廟

國士無雙不易尋項劉輕重視淮陰假真總有王齊意面背都無負漢心賤日守墳規萬戶貴來餐飯報千金平生愛讀英雄傳獨爲君侯淚滿襟

功高何止王三齊躡足惟中伏禍機早日笑談擒魏豹晚來結託誤陳豬誰能北面師降虜恨不東歸守釣磯萬古忠臣遺像在風雲朝暮擁靈旂

再題韓侯廟壁

赤帝功成猛士輕未央宮裡淚沾纓王孫誤學魚吞餌嫩姁終教犬就烹漫以肩隨愧樊鄴直憐手滑及黥彭漢家不相無雙士中下人才用勍平

靈石之南三里許有一村危立山半陶復宛然直上三重栢連十丈雕牆周繚綺窗洞開望之若列仙之居也日暮不及往游記之以詩

原嶽何年啓道場七盤危磴接仙鄉巧偷閭李丹青本返照蓬萊金碧光朱閣排聯三藻井白雲出入

十花牆會須一濯黃塵足若具親齋宿上方

謁郭有道墓

三君八顧總寒煙宿草離離此卜阡一飯從容知孝子同舟丰采見神仙小顏巾角關風氣不愧碑銘
是大賢多少儒人嬰黨翫超然黃鶴在高天

介休道中

兩渡東頭柳弄煙鱗雲敝出老晴天山明微雪青螺髻塔倚斜陽紫馬鞭汾上又飛才子雁絛中多種
善人田昨朝巨石礮礮轉隔宿籃輿夢未圓

介休登詞

銅街車馬宛如龍兩面花棚淡蕩風恰似春星千萬點銀河一道貫當中
星橋十丈至天街曼行魚龍隊隊來莫是瑯琊新幕府紅蓮千朵一時開
串串明珠奪月輝琉璃無縫任風吹鳳皇倒挂街雙帶宛轉流蘇到地垂
斗樣方燈製作殊冰油四扇白紗糊并門亦有丹青手盡畫麒麟閣上圖
飛舞雙龍鱗鬣殊通身解數極盤紆看他首尾渾相應祇趁中間一顆珠
驚聞簫鼓起汾流街尾紅魚在後頭陸地展開五湖水美人輕盪採蓮舟
髻花蓮草顫了蘭弓履青珠小鳳銜身作美人燈一盞月中搖曳茜紅衫
閑盡花棚鼓笛幽雙臺對起賭歌喉不須更打春燈謎駐馬蕭蕭聽石州
太平洪洞皆有豫讓橋直隸邢臺亦有之戲作二詩寄顧晴谷同年

人貴有名約有皮名成天下假借之漆身吞炭者誰子三橋並以國士題破一豫讓一無卹三處報仇